

HYDROPS.

1215. Quando serum aquosum extra vasorum fusum, & cavitatibus receptum est, vel & stagnans alicubi vasa sua nimium distendit, hydrops vocatur.

1216. Qui ideo obtinere potest ubicunque hujus feri vasa, id est in omni corporis habitu, atque in parte qualibet singulari.

1217. Hinc Hydrocephalus, colluvie facta inter integumenta ipsa externa; inter haec, & cranium; inter cranium & cerebri membranas; inter membranas ipsas; harumque duplicaturas; inter has & cerebrum; inter cerebri plicas; in cavitatibus ipsis; sine morte tamen subita.

1218. Facile cognoscitur posterior species incurabilis, reliquae levi inustione, terebratione, punctura, prudenter, lente adhibitis, simulque hydragogis & roborantibus internis curatur; vel externis discentibus dissipatur.

1219. In Thoracis hydrope, qui ex variis locis colligere lympham valet, eadem fere signa, quae Empyematis, sed observatione causae antecedentis discrimen exhibet; paracenthesis sanat hunc, una adhibitis his, quae causae adversantur ejus.

1220. Deprehensus itidem pulmo, ac.

CUL.

cumulata, effusa. inter sinus magnos recepta lympha, nunc in hydatidas, nunc in vomicas hydropericas incidisse; morbus sane difficilis cognitu, curatuque, nisi alia signa praesentia fortuitam huic hydroperis curationem petant.

1221. Quin & arteria aspera anteriori, & conspicua parte, quacunque vi lympham stagnantem colligens, Bronchoceles saepe speciem exhibet; quam cognitu facilem, punctura, discutientibus, avertentibus aggredi licet; si observatur, ut Autores scribunt.

1222. Simili morbo cuiuslibet glandulae folliculus occupari, simili modo sanari potest.

1223. Notabilis itidem hydroperis species ovaria mulierum saepe occupat, qui morbus ut plurimum steriles, annosasque mulieres occupat, difficulter cognoscitur, & vix sine inciso cadavere; curatur vero nunquam, sed transit saepe in Ascitem.

1224. Imo in ipso cavo uterino, clauso accurate ejus ore interno, saepe colligitur tanta aquae copia, ut integrum abdomen mentiatur Ascitem; morbus itidem difficulter cognoscendus ob signa fallacia graviditatis; curabilis laxatione oris uterini per fomenta, vapores, Uterina adhibita.

1225.

1225. Quoties in toto habitu pinguitudinis subcutaneae eadem lympha stagnat, vel effunditur, hydrops oritur ἀνά σάρκα, ὑπὸ σάρκα, λευκοφλεγματία: qui & circum abdomen, & circa scrotum.

1226. Dum eadem aqua in duplicatura peritonaei, in cavo abdominis inter peritoneum & viscera abdominis, aut in dilatatis glandularum cavis: vasisque in abdome contentis, colligitur, ἀσκήτης appellatur, ut & τυμπανίτης, si vapore rarefacto turget, ab aqua, pure, ichore, aere, clausis hic, fotis, putrefactisve.

1227. Hydrops testium dictus, est 1. scroti; pertinet ad (1225.) noscitur sensu tactus; pelluciditate conspicuus; vestigio remanente impressi digitii. 2. facci ex producto peritonaeo in hernia vera orti; fit in Ascite (1226.) valido: noscitur signis Ascitis, Tympanitidisve praegressis; evanescentia per pressionem, decubitum supinum declivem, evacuationem aquae ex abdome; subito saepe augmento & decremento mali, sine causa manifesta; figura tumoris farciminali per inguina ex scroto. 3. involucri vaginalis testis: fit, si humor ibi secretus non resorbetur suis vasis, sed stagnat, accumulatur, vesicam suam distendit in immensum saepe; aut si ruptis, obstructis, vasis, itidem colligitur;

tur; inflammatio, suppuratio, ichorosa collectio, saepe hujus speciem mentiuntur. Cognoscitur tumore non elastico, non cedente, duro, lente producto; absentia signorum primi & secundi hydropis testium; figura tumoris rotunda, vel ovali saltem; pelluciditate apparente, si, circumtenso scroto, saccus collectionis candelae lucenti expositus cernitur clarus: an vero, praeter hos, inter tunicam nerveam & ipsam testis substantiam, aut in ipsa hujus substantia similis sit tumor, haud ita observatur, a praecedenti specie vix dignoscitur, nec forsitan, nisi extirpando, curatur. Vocantur mala haec, *υδροκελαι*, hydrocelae.

1228. Observatum fuit, hos omnes morbos produci ab omni causa, quae valet liquidum serosum 1. ita coercere, ut redire nequeat in venas, sed extensis in vasis stagnet. vel 2. ipsa vasa rumpat ita, ut intra membranulas effundatur. aut 3. vasa reducentia a cavitatibus ita obstruat, & liquida in cavitatibus deposita tam parum moveat, ut non exhalent, nec resorbeantur.

1229. Quae causae observatae sunt in primis, dispositio gentilitia: potus nimius frigidae subitus, neque vomitu, neque alvo, neque sudore, vel urina, calore motuve

tuve excitatis, excretus: Morbi acuti, in primis ardentissimi, sive cum siti potu- que inexplebili, sive sine his: Dysenteria lienosa diu permanens: Omnes pertinaces viscerum obstructions, ut scirrhii Hepatis, Lienis, Pancreatis, Mesenterii, Re- num, Uteri, Intestinorum: Icterus: Quar- tana saeva & diurna: Lienteria: dia- rrhoa: dysenteria diurna: Coeliaca: Em- pyema: phthoe, podagra: Evacuationes quaecunque nimiae, maxime sanguinis ar- teriosi: haustus acrum, fermentatorum que liquidorum: victus tenacium, duro- rum: Hydatides ingentes plures, in ca- vo abdominis pendulae: & plura similia, ut Melancholia, Scorbatus &c.

1230. Effectus adeoque, & morbi pro- gressus hic fere est: tument pedes, maxi- me vesperi, sensim hic augetur tumor in- crescitque: tum tumor abdominis quoti- die increscens: hujus extensi sonus in Tym- panitide, si percutitur; strepitus fluctuan- tis aquae in moto corpore in Ascite ab aqua libera fluente in cavo abdominis; at in Ascite ab aquis clausis in suis cistis, fallit: Dyspnoea: Sitis: Gravitas: Tor- por: Alvis dura: Urina pauca: Febricula lenta: Sudor nullus: macies eo major, quo partis affectae major intumescentia: tum femorum, scroti, cutis abdominalis aqua inter-

intercus: hydatides: aquae, in loco calido, clauso, stagnantis, putrefactae acri-
monia: Ulcera: Gangraenae: Haemorrhagiae narium: Exomphali: Viscerum sphacelus: Mors.

1231. Hydrops curandus ergo indicat
1. Liberum conciliare fluorem Lymphae:
sive fuerit aqua, serum biliosum, ichorosum, sanguinolentumve. 2. Aquas jam in
cavitates effusas inde educere. 3. Labem
debilitatorum viscerum tollere, sive ea cau-
sa, sive hydropis fuerit effectus.

1232. Fluor conciliatur Lymphae, tol-
lendo causas hunc impedientes, quae
1. vis vitalis minus fortiter circumagens;
2. vasculorum compressio, disruptio, ob-
structio. 3. liquidi nimia tenacitas.

1233. Ad primum (1232.) faciunt Cardiaca dicta, roborantia, & stimulantia;
quae, si sitis valida non urget, petuntur
ex aromaticis, salinis, oleosis, calidis for-
ma Electuarii, Misturae, Vini Medicati,
Cerevisiae Medicatae, Pilularum, Deco-
ctorum, Syruporum, Tabellarum, facil-
lime varianda.

1234. Si ingens vexet sitis, causa fuerit
calida, morbus cum febre calida, quod
saepe solet fieri, ad primum (1232.) fa-
ciunt Cardiaca dicta reficientia, acida gra-
ta, & leniter aromatica.

1235.

1235. Utroque casu (1233. 1234.) prodest frictio, motus, calor.

1236. Ad secundum scopum (1232.) indaganda causa vasa arctans, obstruens, rumpensve, quae tollenda, si fieri queat, (1229.) vel emendanda saepe aquis mineralibus.

1237. Liquidi nimia tenacitas solvetur in calido, frigidove hydrope. (1233. 1234.)
 1. per ea remedia, quae ibidem data.
 2. per Alcalinos maxime sales, tam volatiles, quam imprimis fixos. 3. ope Mercurialium, Antimoniorumque, & Venerorum medicaminum arte Chemica rite praeparatorum, & sagacitate medica bene exhibitorum.

1238. Aquae in cavitates congestae inde educuntur. 1. paracentesi. 2. Emisariis paratis novis. 3. Urinae via. 4. vomitu. 5. purgatione alvi. 6. dissipazione.

1239. Si causa hydropis ascitis est recens, extrinsecus cito applicata; si vires integrae, corpus juvenile; si viscera bene constituta, neque alio morbo perdita; si aqua nondum putrida, neque diu in loco stagnaverit, statim instituenda paracentesis.

1240. Quae fiat 3. pollicum longitudine infra umbilicum, & eadem distantia a Aphor. X linea

linea alba, mensura in corpore sano intellecta, in latere a fonte Hydropis averso, punctura facta ope instrumenti idonei, cannula immissa, iterumque educta, aquae copia parva, quotidie bis, emissâ, ad minimum impensis 15. diebus in evacuando, interim utendo praescriptis: (1233. ad 1238.) aut & recentiori methodo; qua abdomen circumductis linteis premitur pro proportione eductae aquae: ne laxa, & pendula, viscera & vasa fluctuant in inani post evacuationem abdomine.

1241. Si conditiones (1240.) absint, vel sint contrariae, paracentesis mortem accelerat.

1242. Emissaria ferro candenti, medicamentis causticis, vesicantibus, lanceolis, filis facta, in parte carnosâ, loco declivi, saepe admodum prosunt; maxime si aperta teneri permittit morbi genius.

1243. Per urinas evacuati hydropis quum citentur plurima exempla, & hanc viam tentabimus praeunte natura, utendo salibus urinosis, fixis, compositis, specificis animalibus, vitriolatis, solutisve metallis, specificis renibus.

1244. Per Vomitus solvuntur cuncta tenacia, concutiuntur obstructa, expelluntur stagnantia, unde mirabiliter in hoc morbo prosunt.

1245.

1245. Sed fortia dari, saepe repeti, & sine longa mora intermedia se mutuo excipere debent.

1246. Ut plurimum eadem valide solent evacuare alvum, unde dupli effectu, quin saepe & tertio, diuresi profundunt.

1247. Per alvum seri eductio fit per usum largum, saepe & breviter repetitum summe purgantium, variis formis, maxime liquida, assumtorum.

1248. Dissipatur calore foci, hypocauti, furni, arenae, solis, salis, fimi, excitato sudore, vel diaphoresi.

1249. Tum maxime pertinaci abstinentia a potu, vietu panis biscocti, cum paucō sale, & pauxillo vini oleosi.

1250. Tertiae indicationi (1231.) satisfaciunt in primis vina chalybeata, chalybs; & roborantia leniter adstringentia, debita dosi, & in tempore usurpata; victus siccus; vinum meracum, vetus, adstringens, motus.

1251. Tympanitidis iisdem mediis, eadem methodo tollitur, si ortum duxit a rarefacto vapore humoris extravasati, & putrefacti; tum enim, causa ablata, tollitur; si vero ortum duxit ex aere per membranas intestinorum putrefactorum perforatas in cava delapso, retroire non potente, sed calore corporis rarescente, tum

X 2

cuncta

cuncta cito putrefiunt, aere juvante, malumque ex posita causa est fere semper insanabile: unde hydrops siccus humido longe magis immedicabilis habetur: punctura saepe solatio, raro sanatione, suffecit; fasciae post puncturam locum habent.

1252. Hydrocele prima (1227.) sanatur, si 1°. hydrops anasarca, cuius soboles est, sanatur. (1231. ad 1238.) 2°. per remedia. (1248) 3. summis discutientibus, & corroborantibus simul, ipsi scroto applicatis, perque calorem externum assiduo excitatis in majorem motum. Secunda autem species (1227.) curabitur optime 1. si hernia radicali chirurgica cura persanatur. 2. ablata ascitis materie, (1238. ad 1252.) & occluso fonte. 3. tum per machinas comprimentes presso loco exitus, ut in herniis per ligamenta: raro autem semel factus hydrops hic sanatur integre. Ultima tandem (1227.) sanabitur 1. datis hydragogis fortibus, saepe repetitis, dum interim vietus est exsiccans. 2. validissimis discutientibus & corroborantibus. 3. paracentesi scroti. 4. Cau-
sticis, & suppuratione.

1253. Ex quibus denuo appareat, in sanatione Hydropis plus difficultatis oriri ab indole aquae in stagno putrefactae, quam qui-

quidem ab ejus causis primis. Cur eductis his aquis acceleratur gangraena partis prius innatantis? Cur educita subito ex Thorace, vel abdomine, hac aqua, mors, aut animi deliquium summum? Cur tanta in hydropticis sitis? & quid illa notat? Cur accida saepe adeo in hoc morbo prosunt? Cur eductis per evacuantia valida plurimis simul aquis tumor abdominalis idem, vel & major videtur? opio autem dato subsidet? Cur fasciae hic tanti usus? & quo usque?

PODAGRA,

1254. Podagra vocatur dolens admodum aegritudo circa ligamenta ossium pedis, & circa juncturas horum, vere & autumno maxime revertens.

1255. Qui, semper idem, quacunque demum caula ortus, ubi naturae suae decursum non turbatum absolvit, sequi solet aetate in matura majorem triginta, & plurimum, annorum; sexum virilem: ingenium acutum, hujus exercitia durissima & protracta, maxime nocturna; victum opiparum; vina acidula, alba, potum generosum, copiosumque, maxime noctu; Venerem praematuram nimis cultam; Corpus magnum, crassum, plenum; acido-

X 3

rum